

稀見地方史料叢書

學苑出版社

中國稀見地方史料集成

董光和 齊希 編

中國稀見地方史料集成

第五三冊

廣東圖說・六
廣東輿地全圖・一

學苑出版社

PDG

(清) 毛鴻賓等修 (清) 桂文燦等纂 清同治九至十年刻本


廣東圖說·六

新加坡
PDG

西甯縣圖

西甯縣圖





西甯縣

縣治在州城北一百二十里漢端溪縣地晉置都城縣宋齊因之梁置羅陽郡隋平陳廢郡爲羅陽縣開皇十八年改曰正義大業初省入瀧水縣唐武德四年復置正義縣後又省入瀧水明萬曆五年始分置西甯縣今因之

城周三百六十二丈高一丈九尺無濠

變夷嶺城東三十五里層巒疊嶂山勢盤紆路逕崎嶇最爲險隘俗呼爲三十四灣

五指山城東南十五里五峯並峙故名

望軍山城東南三十里重岡疊障最爲險阻

雲蓋山城東南四十里雄偉獨出爲諸山之冠東界羅定州

筆架山城西南十五里形似故名爲縣學案山

橫五嶺城西南二十里有甘泉亭路通羅定州

天標山城西南三十五里峯巒峻峭勢欲撐天清濂水出焉

沖漢山城西南七十五里西界廣西岑溪縣北界廣西蒼梧縣

鐵根山城西南八十里山勢突兀西界廣西岑溪縣

南山城西南一百里嵒巖峻拔南界羅定州

羅雲山城西南一百里峯巒高聳西界廣西岑溪縣

天馬山城西五里山勢崆嶺林木蔭翳

大筭嶺城西五十五里山勢嵯峨路通廣西蒼梧縣

茶亭嶺城西北二里嶺頂有茶亭故名綿亘數里往來大道
鳳凰嶺城西北二十里一名埔旺嶺峯巒挺秀路通廣西蒼梧
縣

大石山城西北二十里上有大石故名明陳璘嘗駐兵於此
石狗山城西北二十五里上多奇石頂有巨石如狗故名
大王山城西北三十餘里山勢雄峙綿亘十餘里

少人嶺城西北四十里挺秀宜人蒼翠滿目

銅鑊山城西北八十餘里層巒疊障路逕崎嶇上有石巖多產
雜木西界廣西蒼梧縣

華表石城東北三十里一名錦石山上有石柱高插雲表西北

爲錦被石北界德慶州

大力山城東北三十六里山勢雄偉其草竹藤其木南漆往來大道大厯之水出焉

雞骨嶺城東北八十里昔產雞骨香故名北界德慶州

西江自封川縣東南流入縣東北境又東南流經都樂又屈西南流又屈東南流白水自西北來注之又東南流經都城墟汛大燕水自西來注之又東南流經田舍村桂河自西南來會桂河源出縣西大筭嶺東流經鳳凰嶺又東流經石龍岡又屈東南流經羅子甲又屈東北流經鵞公埔文昌水自西南來會文昌水源出縣西南冲漢山東流經通門所汛又屈東北流經

沙涌又屈東南流經天馬山車濬塘水自西南來注之又東南
流經車龍筆架山水自西南來注之又屈東北流經縣城南又
東北流玉枕山水自西北來注之又屈東南流經鋪錦山又屈
東北流經太平都寶珠水自東南來會寶珠水源出縣西南婆
髻山東北流經五指山又東北流經大洞又屈西北流與文昌
水會二源會合又東北流與桂河會桂河又東北流經田舍村
與西江會西江又東南流經羅旁墟汛小源水自東南來注之
又屈東北流經厯源大厯水自西南來注之又東北流經冷水
汛又東北流經南渡塘又屈東流經南江口汛南江自西南來
會南江上源爲瀧水源出縣西南替棉村東北流經湘洞村又

東北流入羅定州西南境又東北流入縣西南針同村又東北
流經大灣墟又東北流濂清水自西北來注之又東北流經東
水口羅定州東水自南來注之又東北流經圭河口羅定州圭
河水自西南來注之又東北流東安縣宋桂水自東來注之又
東北流經東壩牛墟河自西南來注之又東北流經逍遙汛古
篷水自西南來注之又東北流經南江口汛與西江會西江又
東北流入東安縣西北境

到沙河源出縣西南羅雲山東南流經夜護司署又屈東北流
經思理堡小洞水自西北來注之又屈東南流經河父新樂水
自東北來注之又屈東北流經甘灘又屈東南流經雞梯嶺又

東南流入羅定州東北境

蟠龍水源出縣西大笋嶺東北流經十五都羅洞水自西北來注之又東北流滙爲蟠龍塘又東北流經古備汛又屈西北流入封川縣西南境

上龍水源出縣西南黃茅山東南流經潭章村泗淪水自西南來注之又東南流入羅定州西南境

合江源出縣西南鰲頭山西南流經鎮南都金鎖汛水自東南來注之又西南流經嘉益墟排埠水自東南來注之又屈西北流入廣西岑溪縣東南境

知縣一員

復設教諭訓導各一員

均駐城內

夜護司巡檢一員

駐常靜都

其屬大鄉二

常靜都城西南一百二十里內有小村十五曰車田曰潭崩曰雙竇曰灣洞曰黃茅曰思理曰新安曰新樂曰雲霄曰大全曰燈心曰雲南曰雞良曰馬鹿曰埔便往來大道有替濱墟西界廣西岑溪縣

鎮南都城西南一百六十里內有小村十七曰楊綠曰潭章曰雲水曰沙甯曰鶯參曰洞看曰上下脈曰鰲頭曰都門曰上下賴曰柴薪曰合江曰排埠曰扶合曰甘埔曰替棉曰厠崗有嘉益墟泗綸墟汛金鎖汛南界羅定州西界廣西岑溪縣

替棉厠崗二村

中隔信宜縣雲開大山東北界羅定州與
潭章鰲頭垸合排埠諸村疆域不相毗連

典史一員

駐城內

其屬大鄉八

永安都城東三十里內有小村四曰高田曰石龍曰墟頭曰鎮
力往來大道有羅旁墟汛

建康都城東南三十里內有小村五曰蕩村曰康甯曰官甯曰
千官曰雙波有旺久汛東南界羅定州

保和都城東南六十里內有小村六曰河旁曰甘灘曰東水口
曰河口曰譚丙曰金華有大灣墟河口汛東界東安縣南界羅
定州

十四都城西二十里內有小村四曰大水曰石龍曰小水曰峽

上有桂墟大河汛

十三都城西北三十里內有小村六曰建新曰萬洞曰古免曰白木曰下襲曰上襲有古備汛東界德慶州北界封川縣

十五都城西北五十五里內有小村七曰石臺曰練石曰橋亭曰羅洞曰興良曰蟠龍口曰平臺有麻地汛蟠龍塘汛西界廣西蒼梧縣北界封川縣

太平都城東北十五里內有小村十五曰便民曰連城曰羅子曰車龍曰合水曰寶珠曰大水曰沙埭曰大林曰埭強曰大蕭曰車濬曰大榕曰雞林曰雲南往來大道有都城墟汛

裕甯都城東北三十五里內有小村十六曰地心曰小源曰厯

源曰大厯曰冷水曰上疊曰下疊曰內翰曰外翰曰甘竹曰古
逢曰雙埔曰思和曰逍遙曰南渡曰西壩有南江口汛雙埔汛
冷水汛逍遙汛東界東安縣北界德慶州

羅定協右營守備一員

駐城內

千總一員

分防都城汛

頭司外委把總一員

駐城內

額此外委一員

駐城內

本營駐防縣境兵丁共一百五十一名內

外委本身名糧一名

額此外委本身名糧一名